


佛本行集經

第 二十三

二百九十六  
業三

49728



佛本行集經卷第二十三

業

隋天竺三藏法師闍那崛多譯

勸受世利品中

尔時菩薩過是夜已於晨朝時正著衣服從  
般荼山安庠而行至王舍城爲乞食故觀諸  
陰等苦空無常欲求無餘大涅槃故視地一  
尋調伏諸根所染著處皆悉除斷不令點汙  
復作是念我今乞食無有鉢器若我得食於  
何處盛是時菩薩左右前後求器未得忽見  
一處有大華池見已即語傍一人言仁者汝  
可乞我此中池蓮藕葉彼人聞已即便入池  
取彼藕葉以奉菩薩是時菩薩受彼藕葉向



城乞食時王舍城內外人民觀見菩薩如是  
詳審復見菩薩威神巍巍見已各生大希有  
心共相謂言此是三目大自在天來至於此  
其中或有遠行諸人欲營事故至於他方彼  
等既見菩薩還迴向菩薩所或復有人欲造  
作事中道既見菩薩形容便捨其業來向菩  
薩若有坐人見菩薩已不覺自起速疾來詣  
向菩薩所或復有人合十指掌恭敬一心向  
菩薩者或復以頭禮菩薩者或復有以微妙  
音聲讚菩薩言善來善來時王舍城所有人  
民見菩薩者無有一人不生歡喜愛樂之心  
其王舍城或多舌人亂言綺語彼等諸人在



菩薩前默然而住隨菩薩行又王舍城周匝  
四方或男或女丈夫婦人欲營餘者悉捨來  
看生希有心觀看菩薩眼目不瞬所觀菩薩  
支節面額眉目肩項手足行步於一一處各  
皆愛樂不能更觀其餘處相

尔時菩薩盛壯少年可喜端正興樂華艷華

色之時捨宮出家眉間毫相宛轉右旋眉細  
脩揚目寬長廣威德遍滿其體光明巍巍堂  
堂普照遠近手足羅網皆悉普縵其二十指  
善能治化一切天人菩薩威神世間無比而  
有偈說

菩薩行於道路上

所有一切諸看人

但觀身之一分光

見以即便生愛著

雙眉細揚若初月

兩目青紺似牛王

身體常放大光明

諸手足指有羅網

觀者以見微妙色

衆人不覺隨後行

看此殊妙相莊嚴

各各心生大歡喜

尔時王舍守護城神見於菩薩有是威儀心

生驚怖戰慄不安謂言此是何處大神欲來

奪我此間坐處

尔時菩薩以彼無量無邊人衆左右圍繞或

後或前諸人觀看安庠徐步漸漸而行向王

舍城欲乞於食舉動俯仰進止雍容躡足前

趨不遲不疾專注平視斂攝諸根臂肘膈齊



衣披整肅擎蓮荷器其葉不萎寂定一心人  
見歡喜最上最勝得奢摩他柔輒調和如制  
伏象無有濁穢猶清淨池離身一尋常光明  
照如娑羅樹衆華開敷若金像形從地踴出  
具足圓滿諸相莊嚴如夜虛空衆星圍繞菩  
薩日月朗於世間

時王舍城有諸人輩彼等皆悉生大歡喜發  
希有心見菩薩行於街巷裏城內商賈估販  
交關一切自停不復市買若在店舍醉亂心  
迷悉得醒蘇不復飲酒各捨一切讌會音聲  
奔走皆來向菩薩所或復隨逐左右而觀或  
復在前迴顧而視或復在後順菩薩行其王

舍城無量無邊諸婦女等或倚門側或立窓  
間或在樓中或居屋上舊作生活今悉不爲  
並廢事緣遙觀菩薩家家出戶各各喜歡共  
相謂言今此是誰從何來到是誰種族其名  
字誰如是端正可喜行動我等昔來未曾得  
見或復沙門或婆羅門相見如是容止異常  
稱歎之聲遍城內外

尔時摩伽陀國王舍城主姓施尼氏名頻頭  
娑羅未作王時曾乞五願一者願我年少之  
時早得王位二者若得王位已後願我化內  
有佛出世尊出現天下三者若佛出現世時願  
我自身承事供養四者若得承事已後唯願



爲我如應說法五者佛若爲我說法我聞法  
已願莫謗毀得證法已依而奉行

尔時頻頭娑羅王在高樓上與諸大臣圍繞  
而坐遙見菩薩爲諸大衆前後導從安庠而  
行入王舍城頻頭娑羅旣覩菩薩心生大疑  
即從樓下出宮門外見菩薩身威儀舉動端  
正無匹乃至猶如夜空衆星爲諸觀者之所  
愛樂如摩尼寶內外光明表裏洞徹菩薩之  
身亦復如是威德熾盛照耀巍巍時頻頭王  
見於菩薩如是相已勅諸臣言我生已來未  
曾見人如是形自身色面目頂額廣平皎潔  
分明顯赫照耀如蓮華葉在於水中而不爲

水之所點著是身威德毛悉右旋眉間相毫  
如瑠璃淨亦如白珂亦如泡乳色炎光具如  
滿月輪其二足趺蹈地千輻步舉文現跡不  
差移不怖不驚不戰不慄智慧安靜猶如須  
弥從何所來忽然至此汝諸日下應當觀看  
此誰種姓誰之兒子何國土生名字何等端  
正可喜歷此遊行

尔時彼諸大目衆等或有說言此是天王或  
言帝釋或復有言是大龍王或復有言毗摩  
質多阿脩羅王或復有言此是婆梨阿脩羅  
王或復有言是毗沙門護世神王或復有言  
此是日天或言月天或復有言大自在天或



復有言此是梵天

復更別有餘諸占相婆羅門言大王當知如我等論先後所記此人必成轉輪聖王何以故今此大士身體遍滿一切諸相

尔時諸臣大衆之中別有一臣而白王言大王當知實有斯事所以者何去此不遠十由旬外正在北方雪山之下有一種姓稱爲釋氏然彼釋氏有一國界名曰迦毗羅婆蘇都彼國土中有一王治名爲淨飯是釋種王彼王生子字悉達多旣釋種生姓瞿曇氏其彼太子初生之日父王即便召集解相婆羅門等遣占相之時諸相師旣占看訖白大王言

大王當知今此太子具二種相若在家者必  
當成就轉輪聖王王四天下守護大地乃至  
如法治化世間若捨王位必定得成多陀阿  
伽度阿羅呵三藐三佛陀名遍十方大王當  
知此必是彼太子不疑所以者何其人現今  
剃除鬚髮身黃金色著袈裟衣捨國出家遊  
行到此而說偈言  
彼國相師說此言  
不居王位定作佛  
斯決是彼釋種子  
出家苦行求菩提

尔時大目說是語已是時其王頻頭娑羅內  
心思惟如我往昔曾發誓願若如是者我願  
得成時頻頭王勅二目言卿若知者速往彼



看此出家人居停何方在於何地汝等驗已  
速報我知然後我當自至於彼觀看供養諮  
受未聞

時彼二目奉王勅已即便相共隨逐菩薩所  
向而行不暫捨離

尔時菩薩在王舍城乞食之時見彼大衆處  
處充滿內心思惟如是方便此諸大衆無有  
歸依無救無護常爲生老病死所纏不畏不  
驚不怖不恐亦復不知求究竟道無有導師  
愚迷惛闇沒溺煩惱癡無有智日日減損染  
著諸陰苦空無常不知厭離  
尔時菩薩作是念已起慈悲心倍更增加精

進勇猛折伏其意作是念言我今當作一切  
世間歸依之處我當救護苦惱世間當爲世  
間說於生老病死盡處

尔時菩薩舉目唯觀前一犁軛默然諦視徐  
徐動步齊整容儀遍王舍城次第乞食既得  
食已從王舍城庠序而出漸漸至彼般荼婆  
山其山麓下有一泉池坐彼水邊正念安置  
隨得麁細如法噉之食訖浣衣洗於手足即  
便進上般荼頂頭上已向於山南觀看求覓  
林樹妙好枝條翳鬱扶踈饒諸鳥獸飛走遊  
戲華果泉流擇好樹間安施草鋪向於東面  
端身正心結累跏趺儼然而坐猶如師子入



孔穴中不畏不驚著袈裟服其光顯赫巍巍  
堂堂熾盛照耀如日初出而有偈說

彼山蒼鬱饒樹林

鳥獸相娛受諸樂

身披袈裟人月者

光明熾盛如日初

余時菩薩坐彼樹下如是思惟我此處學更  
無有人無富伽羅無衆生無壽者無命者無

禪兜無摩菟闍無摩那婆無養育者此之五  
陰一切皆空無命無識一切諸法唯有假名  
名衆生耳

余時頻頭娑羅王所使二目隨逐菩薩恒不  
捨離其一日去菩薩不遠於前而坐一日速  
還摩伽陀國頻頭王邊到已長跪而白王言

大王當知彼出家人從王舍城乞飯食訖到  
般荼山乃至端身南面而坐如前所說大王  
今者若欲觀者宜須疾往

尔時頻頭娑羅王聞其使人如是語已即便  
裝束賢善好車坐於其上嚴駕而往向般荼  
婆時頻頭王既至彼山遙見菩薩可喜端正  
心甚愛樂乃至猶如夜空衆星如暗山頭大  
猛火聚如大雲裏出閃電光摩伽陀王見於  
菩薩在彼樹下亦復如是見已生大希有之  
心歡喜遍體身毛皆豎下乘徒步詣菩薩邊  
到已問訊白菩薩言少病少惱四大安乎而  
有偈說



王見菩薩如帝釋

身光明耀心喜歡

問訊起居四大和

少病少惱身無患

尔時菩薩以微妙口和軟語言如梵天音辯  
才字句不染不著告摩伽王頻頭娑羅慰勞  
問訊作如是言善治大王大吉大祥從何遠  
來可坐憩息營求何事而詣此乎

尔時頻頭娑羅王聞於菩薩如是語已進菩  
薩前在一石上安隱而坐王欲度量菩薩意  
故白菩薩言仁者今若不辭疲勞我欲諮問  
心內所疑唯願仁者爲我決斷即便問言仁  
者何也爲天爲龍爲梵爲釋爲人爲神  
尔時菩薩以無憍慢貪欲恚心除斷一切煩

惱諸刺不諂曲語報摩伽陀頻頭王言大王  
當知我非天也非龍非梵我是於人大王我  
以求寂靜故所以出家時摩伽王頻頭娑羅  
白菩薩言仁者比丘我今見仁甚大歡喜是  
故我今欲有發問我爲愛敬於仁者故欲說  
一言唯願聽受所以者何仁今壯少正在盛  
年端正無雙身體微妙堪當嬉戲遊縱之時  
今者何爲發如是意行作沙門厭離王宮空  
山獨坐又仁者身如是相自止可合塗赤拏  
檀香不應著此袈裟之服仁之二手乃可拍  
劃治化世間百味盈前隨時飲噉豈可執器  
從他乞行而說偈言



仁身合塗赤檀末

不應服此弊袈裟

手指正可搗世間

豈宜從他乞食活

時頻頭王說是語已白菩薩言仁今若爲愛  
敬父故不取王位捨出家者我今請仁在我  
境界受於五欲種種所須當隨仁意須財與  
財及諸姝女若佐助我我當與仁分國半治  
可居我境受我王位我承事仁不令多少何  
以故仁者沙門身體柔輒不應任於空閑蘭  
若若坐草鋪在於地上損仁者身恐畏成病  
但經少時仁父衰敗還可自受本國王位是  
故仁者今若愛念我憐愍我者受我王位任  
我境中如其仁者稱大種姓嫌我境狹土地

穢雜我及群臣諸百官等更別為仁開拓他國使令寬廣與仁共治又我願得仁者貴族共作因緣親厚眷屬願不生疑謂為非實而說偈言

仁者若稱大種姓  
我共諸臣及百官

嫌我境狹不肯停

當更吞併於寬廣

時摩伽王說是語已更復重白於菩薩言我於仁邊有愛敬心重尊之心仁者今既乞食活身但當努力發寬廣意受法受財受五欲樂所以者何受此三種在於宮中觀諸姝女歡娛受樂亦能令人得現世報未來亦然若人不受此三種法但捨一事彼人現世或復



未來終不能得具足果報設其受之必有缺減是故仁者若弘廣心所以應須具足受此三種之樂受三樂故用年少時端正果報受法受財及受諸欲世間丈夫受欲之時生子繼立此是大財是故仁者勿令空過

又復仁者如是臂膊堪牽弓弩莫令徒損如

斯一卅

又復往昔頂生之王以勇健故王四天下及忉利宮如是仁者堪當此事所以者何我今亦為憐愍一切諸衆生故如是勸請我亦不為自王位故勸請仁者我今見仁身體端正悲酸流淚情懷不忍為是倍更生希有心所

以慇懃如是苦請仁今盛年且行世欲待後  
衰老可行法時乃可捨家

又復仁者先祖以來自種姓內到年老時乃  
依國法以王化事付其太子或復大呂方始  
捨位出家入山

又復仁者往昔諸仙作如是說凡年少時先  
行欲事中年求財以自養活至老耄時乃可  
棄捐修學於法如是乃能建立一切又人年  
少不行諸欲不求覓財此是身怨亦名爲賊  
毀敗諸根難得攝受

又復仁者假使年少欲求法時但爲諸根牽  
著五慾至於老時內心思惟斷絕衆事能攝



諸根心生慙愧意得寂靜

又復仁者世間少年正放逸時不見遠道多有過失至中年時血氣漸弱放逸已過譬如人行度於曠野止而歎息言我已越此之處所是故仁今正年少時正放逸時隨意多少願且受欲

又復仁者年少之時諸根難迴仁者若欲行於法事愛樂法者依仁家法祭祀諸天因祭祀故亦得生天在於家內莊嚴自身金銀諸寶校飾兩臂衆寶放光猶如明燈

又復仁者往昔諸王頭戴寶冠嚴飾身體常在家內祭祀諸天行於法行立無遮會或有

入山行大仙行而求解脫仁者今既學於彼等順時而行其摩伽王如是種種譬喻語言方便欲將勸請菩薩

尔時菩薩聞摩伽王如此語已不怖不驚不恠不異猶如山王身心不動寂然安住守攝諸根不生餘意三業清淨報彼王言而有偈說  
摩伽陀王諫菩薩  
猶諸朋友利相教  
菩薩清淨三業行  
如華不著水報彼

摩伽大王吐辭不善此說猶如無智人語不稱天下王法之言王若於我有真正心此語實誠非深利益亦非愍我於我甚損世有惡人無有慈心猶如富貴怯弱之人若欲利益



於世間者應當教示如彼往昔相承來事是  
名朋友是名增長凡人若見至於厄難不相  
捨離三業等同是名知識我意如是富貴之  
時誰不能作朋友知識若人得財依法處分  
不令散失是名知識是人久後能用財寶教  
授之時彼不取語或以先業自失於財後不  
生悔王若與我為知識意愛敬我者顯示是  
事我或歎王或不歎王

今時菩薩作是語已更復為王說如是言大  
王當知我今求道正為怖畏生老病死以是  
義故欲求解脫故受此形親族眷屬實可愛  
戀可敬難捨流淚滿面啼泣懊惱或為我故

捨於命者我已棄皆來至此處然其世間五  
欲之事貪惜染著多因不善

又復大王我今實不畏彼毒虵亦復不畏天  
雷霹靂亦復不畏於猛火炎被大風吹燒野  
澤者但畏五欲境界所逼何以故大王當知  
諸欲無常猶如劫賊盜諸功德虛空無真猶  
如幻化現於世間觀看謂實體是誑惑世人  
不知強以心著況復正行其五欲者亦時善  
薩即說偈言

五欲無常害功德

世間果報本誑人

愚癡天上不滿意

六塵空幻損衆生

智者誰能暫停住

況復人間得稱心



欲穢染者不覺知

往昔頂生聖王王

復得帝釋半座居

假令盡王此大地

世人嗜欲不知厭

今時菩薩說此語已復更告言大王當知往

昔有一轉輪聖王其王名曰那睺沙王統四

天下及忉利天化摠天人猶不知足以是義

故還墮世間

又復伊羅轉輪聖王亦復如是王四天下及

忉利天不知足故而取命終

又復婆梨阿脩羅王既得王位因共帝釋鬪

猶如猛火燃乾草

降伏四域飛金輪

忽起貪心便墮落

心猶更欲攝他方

如巨海納諸流水

告言大王當知往

戰不如遂被侵奪帝釋得已大復傳為彼那  
睽沙轉輪王奪那睽沙王既獲得已還復更  
被天帝釋奪如是天人境界翻覆並皆無常  
誰功德勝至於彼邊若有智人能作如是思  
惟觀察無常境界變易須臾云何可信唯有  
山林居住諸仙食諸藥草根果華葉身著樹  
皮或復衣諸死獸毛革形體疋羸唯皮骨在  
欲得度脫出離世間一切諸苦希求解脫涅  
槃無為若縱五欲之所纏逼墜墮還來有智  
之人誰樂貪此若著五欲如自求怨今時菩  
薩更說偈言

居住山谷諸仙輩

食果飲水衣樹皮



雖復螺髻身體羸

彼等不能自制伏

如是無常諸欲怨

規求解脫離欲故

猶被五欲之所牽

有智之人不應著

尔時菩薩說是語已復更告言大王當知欲  
界之內欲取味故而作和合得彼已後而不  
知足若無智者現受諸欲不知足故受大苦  
惱復於來世更受其殃是故智人不取欲想  
是以智者見有人行黑業法者受於大苦欲  
自安隱莫作莫樂一切諸欲應須捨離若有  
集會即知別離縱欲恣情則心放逸放逸若  
增便造不善不善成就即墮泥犁過去世時  
作大苦行現得諸欲得諸欲後勤劬保持不

能守護還當失落

又復大王如是諸欲若有智者作是思惟世  
間人天猶如假借既非常物何故心貪此之  
天人一切果報如草上露如毒虵頭如彼空  
林死屍骸骨又如婦女初胎肉揣如夢如幻  
猶如火聚如是種種多諸患殃恒爲一切苦  
惱逼迫智人應不愛樂著心

又復大王如諸論說乃往昔時寐梯羅城於  
彼城內有一瞽王其王名曰提頭賴吒王雖  
無目多育諸子滿一百人並有才智王弟別  
復有子五人伯叔弟兄足一百五其父各歿  
爭作國王以欲報緣相殺害盡



又復大王如檀荼迦空曠野澤被火燒時其  
類誰那殺諸雜類

又復如彼須弥山下有阿脩羅然其兄弟各  
為貪故愛一玉女二人相爭而自鬪戰傷害  
俱死

又如世間屠膾之所豎立諸木懸於雜類諸  
畜生形而行宰戮諸欲如是智者云何而心  
貪樂便說偈言

往昔修羅兩兄弟

為一玉女自相殘

骨肉憐愛染著憎

智人觀知不貪欲

菩薩又言大王當知或復有人為五欲故或  
欲生天或生人間既得生已著五欲故投身

透水或復赴火如是無常誑惑境界爲五欲  
故自求怨讎何意戀樂又說偈言

癡人愛欲故貧窮

繫縛傷殺受者苦

意望此欲成衆事

不覺力盡後世殃

菩薩復言摩伽陀王我知五欲如是種種多  
諸過患王今不可以是五欲而勸於我我今  
欲行無畏道路王若是我真好善友應當數  
數勸諫於我作如是言仁之所發弘誓大願  
願早成就速離煩惱何以故我旣不被他人  
趁逐而入山林亦復不爲怨敵所駭亦非他  
奪王位而走又亦不求往昔古仙而欲還退  
是故我今不取王語



又復大王若有人執瞋毒虵頭既放捨已復  
還欲捉可有得不如猛火炬以燒手放放已  
更捉如是如是我已捨彼五欲出家今復還  
取亦復如是

又復大王譬如明眼有目之人豈可羨於盲  
瞎人不譬如解脫無事之人豈可羨於牢獄  
繫縛有事人不譬如饒財巨富之人豈可羨  
於貧窮飢凍乞索人不譬如明了點慧之人  
豈可羨於狂顛人不然其彼等猶有可羨我  
今已離如是五欲無一可貪

又復大王如王前言住我境界受我五欲隨  
意娛樂我與多財并及姝女大王當知我今

不取世間五欲如上所說一切諸事

又復大王我在本宮多饒五欲已能棄捨六  
万姝女出家入山大王當知諸欲如是有於  
無量無邊患害牽人直向大地獄中餘報復  
來畜生餓鬼現身又離一切善根不為聖人  
之所讚美

又復大王世間諸欲猶如浮雲無有暫住如  
猛風起須臾不停如山水流奔濤迅急

又復大王若人愚癡耽染五欲不知本際沉  
淪生死被煩惱縛不能得解如遠行人困苦  
疲極乃飲鹹水更增其渴如是如是受五欲  
人不知其患亦復如是



又復大王我今要說若當有人得天五欲及以人間上妙五欲清淨具足是等諸欲一人得已不知厭足更復增長諸處尋求

又復大王如王前言共我治化摩伽陀國我當減半分治天下或復說言受我王位我悉捨與我亦承事或復興兵開拓境土使令清

淨寬廣莊嚴

又復大王我今已捨彼四天下一切豐足無所乏少舊有七寶棄捨出家我今豈更爲此一國細小王位而貪羨乎

又復大王譬如大海娑伽龍王果報所得大海水停以爲宮殿寬博具足七寶莊嚴豈可

復貪牛跡水耶大王當知如是如是是我今既  
已發勇猛心捨四天下七寶宮觀染衣剃髮  
出家入山今若還貪世間王位亦復如是

佛本行集經卷第二十三

業

藕菜

上音偶

瞬

詩閏反

額額

吾客二同反

纒

莫官反

紺

古暗

戰慄

下良吉反

躡足

反及輒

肘臍

上知柳下丑恭反

擎

京奇

萎

烏為反

商賈

上正作賈下音古

估販

上方音反

讌

京奇

會

上於見反

迓

二字同正

顯赫

下客反

白珂

下舌

泡

音拋

惛闇

二字音昏暗

葍鬱

上烏孔反

閃電

上失

慰勞

下即到反

態息

上丘列反

嬉戲

上許之反

拍劃

下獲音

弊

毗祭反

搗

許為反

狹

侯夾反

開拓

下託音

勞



力古上乃臂膊博下音弓弩古下乃耄莫報怯弱苦上

劫反下霹靂下音普覓反逼反彼力四域力下反于

嗜音若欲視上音或衣聲下去廷羸上馬荒反規求俱上

反弥穴揣下上音肉字寐悌下上忙利反瞽音頰於葛

戮音六透音水正上作透怨二讎字音盲音瞎下呼反黠

慧八上反閑音奔濤下上音正音桃音奔迅反閏音躬反丁音含音醜音臧音

俗音咸正上

